

Porro *Fredericus* Imperator ejus nominis III anno CIO CCCCLXV cum variis Præfecturis hæc Provincia rege-
retur, Comitatus titulo auxit, totamque *Udalricho* cuidam attribuit. Inde ad nostrum hoc usque ævum conti-
nuo Comites suos habet. Urbes in hoc Comitatu mœnibus clausæ duæ sunt *Embda* & *Aurichum*. *Embda*
sive *Emdena*, vulgo *Emden*, Vrbs hujus regionis primaria & Emporium celeberrimum ad *Amisis* fluminis
ostium, Portus oportunitate nobile, cujus alveus ita profundus est, ut navigia maxima passis velis admittat: pro-
pterea amplitudine opum, ædificiis publicis privatisque, & Civium multitudine omnibus non Germaniæ mo-
do, verum etiam Europæ angulis innotuit. Inter ornamenta præcipua sunt Comitatus *Ædes* sumtuosæ, Templum
magnificum & Domus Prætoria. Mira hic omnium rerum & exuberans copia videtur, non earum modo, quibus sa-
tis necessitati fieri, sed quibus voluptatis studium concitari queat. Præstat hoc Civibus, tam Portus & importa-
tionis commoditas, quam nativa Frisiæ (de qua modo diximus) ubertas. Vrbs a fluvio *Ems* nomen habet,
quem Tacitus *Amisiam* vocat. Hic ille est fluvius ad quem Drusiana fossa egressæ legiones Romanæ, latæque
Oceano, secunda navigatione pervectæ sunt, ut refert Tacitus I I Annalium. *Aurichum* urbs altera, Nobi-
lium jucundissimus recessus ob Silvas & Nemora, in quibus aucupio vel venatione liberaliter sese exercent.
Cives potentes habet mercaturæ vel opificio alicui deditos. Arces & villæ in hoc Comitatu infinitæ sunt.
Pagorum tantus numerus est, ut alter alterum interdum contingat. Horum magna pars, sive ædificiorum splen-
dorem sive platearum amplitudinem, sive Incolarum frequentiam spectes, cum quibusdam Germaniæ urbi-
bus potest contendere. Neque vero in iis omnes rustici & agricolæ: sunt & Mercatores, & Artificum varia
genera; Nobiles etiam sparsim interjecti. Sunt & hic duo alii Comitatus, qui Emdano Comiti subiecti sunt,
Esesis & *Jeversensis* a primariis eorum Opidis sic dicti. *Jeversensis* ditio trans Iadam ad Occasum sita est, con-
tinetque pagos octodecim: ei Septentrionem versus qua se Visurgis in Mare exonerat, prætexuntur duæ Insulæ,
Wangeroga & *Spikeroga*, desertæ magna ex parte. *Esesis* Comitatus ad littus Oceani contiguus est *Jeversie*: ab
occasu Berumenfi & Auricenfi tractu: a Borea mari terminatur. Ejus Dominus *Hao ab Huseke* anno
CIO CCCXXC quum petulantius vicinos infestaret, navesque Bremensium in Visurgi interdum spoliaret, ma-
riaque vicina piratis, terras prædonibus & grassatoribus suis impleret, tandem post leviores cum Bremensi-
bus pugnas quibus inferior fuit, quum Elenam confugisset, captus a Bremensibus Edoni Wimmeke Capi-
taneo Jeverenfi traditus est. Qui eum fune canabino diu tortum strangulatamque tandem frustillatim dis-
secavit, eo quod Sororem, quam in matrimonium duxerat nulla iusta de causa repudiasset. Est quoque in hac
Tabula Comitatus *Delmenhorst*. Et Dominia *Ezes*, *Norden*, *Aurick*, *Jevers*, *Vredeburg*, *Ovelgunne*, *Rheyde*.
Flumina hic *Amisis*, *Visurgis*, *Iada* & alia. Incolæ hujus regionis Germanica utuntur lingua: sed ad secre-
tiora propria quadam & vernacula quam advenæ non intelligunt. Omnis generis opificia studiose exercent,
aut agros colunt: aut mercaturam faciunt. Vestitus honestus: etiam rusticorum: ita ut ex vestitu eos pro opi-
danis quis duceret. Fœmineus sexus habitu multum ab aliis differente gaudet. Totam capitis comam in unum
cirrum componunt, eumque multis argenteis deauratisque sphaerulis vel nodulis ornatum in tergum de-
pendere

Flumina.
Opificia.
Vestitus.